



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Adversvs Omnia Catabaptistarvm Prava Dogmata
Heinrychi Bullingeri lib. IIII**

Bullinger, Heinrich

Tigvri, 1535

VD16 B 9759

Christus & pij ob res temporales nihil turbarunt

urn:nbn:de:hbz:466:1-35433

deest his qui diuites non sunt. Quorsum ergo quod
isti totum mundum turbant rebus friuolis & nihil ne-
cessarijs? Noui ego quosdam, qui si tanta haberent,
quantis ex socordia sua & negligentia carent ac ea-
gent, mox uiam inuenirent, qua & iniustas diuitias et
male partas iustificarent. SIMON. Mitto hæc,
Rogo ut conclusionem tertiam tu mihi probes, fortas-
sis aliquid hinc discā. IOIADA. Quod Christus
propter res externas nihil turbarit, sed paci ac trans-
quillitati semper studuerit, Matthæi caput, 17. adduci-
mus, ubi ad Petrum sic dicit: Ne simus illis offendicu-
lo (his scilicet qui didrachma exegerunt) profectus
ad mare, mitte hamum, & eum pescem qui prodierit
primus, aperto ore illius inuenies staterem, acceptum
eum da illis pro me & te. Capite 22. Matthæi, quum
de censu persoluendo Cæsari interrogaretur, sic à tu-
multu cauit, ut deum & Cæsarem in responseione con-
iungeret, unicuique dare iubens debitum. Neque; damna-
bat eos qui accipiebant, rursus non beatos dixit qui da-
rent. Non dixit: Iure diuino nihil debetis, sed tamē da-
te, uæ illi qui recipit.

Ioannis 13. Christus discipulos suos sic docet: Man-
datum nouum do uobis, ut diligatis inuicem, quemad-
modū ego dilexi uos. In hoc omnes cognoscet quod
discipuli mei sitis, si mutuum dilexeritis. Mox in lon-
go isto sermone quem ad discipulos post coenam ha-
buit,

buit, præcipue de spiritu fidelium mentionem facit.
Quumq; apostolos iā missurus esset, dicit: Pax uobis: Ioan.20.
sicut me misit pater, ita & ego mitto uos. Roma. 14.
Paulus dicit: Regnum dei non est cibus neq; potus, sed
iustitia, pax, & gaudium in spiritu sancto. Etenim qui
per hæc seruit Christo, acceptus est deo, & probatus
hominibus. Itaq; quæ pacis sunt sectemur, & quæ æ=
dificationis, alius erga aliud. In 1. Cor. 1. sic admo= net:
Obsecro uos fratres per nomē domini nostri Iesu
Christi, ut idem loquamini omnes, et non sint inter uos
diſſidia, sed sitis integrū corpus, eadem mente, eadem
sententia, ne sint inter uos contentiones, ut aliud se Ce
phæ, aliud Pauli, aliud Christi esse dicat. Num diuisus
est Christus? num Paulus crucifixus est pro uobis? aut
in nomine Pauli baptizati estis? Quū uero sic dicitis,
an non adhuc carnales estis? Ad hæc consyderentur
quæ cap. 12. Paulus scribat ad Corinthios, ad concor
diam & charitatem exemplo corporis & membro=rum urgens. In cap. 14. claris ac disertis uerbis dicit,
deum non esse authorem diffensionis, sed concordiæ
et pacis, quod uidere liceat in omnib. ecclesijs fideliū.
Ad Ephes. 4. hortatur Paulus ut ambulemus ita, ut dē
gnum est uocatione, qua uocati sumus, cum omni sub=missione ac mansuetudine, cum animi lenitate, toleran
tes iniicem per charitatem, utq; studeamus seruare u=nitatem spiritus per uinculū pacis. Vnum corpus (in=

L I B E R I.

quit) & unus spiritus, quemadmodum & uocati eflit
in una spe uocationis uestræ. Vnus dominus, una fides,
unum baptisma, unus deus & pater omnium, &c.

Ad Philip. 2. pari studio Paulus fideles hortatur,
ut similiter sint affecti, eandem charitatem habeant,
unanimis sint & idem sentientes, ut nihil fiat inter
eos per contentionem, aut inanem gloriam, sed per hu-
militatem animi alium quisq; se præstantiorem existi-
met, ne sua quisq; spectet, sed unusquisq; quæ aliorum
sunt. An hoc non est satis testimoniorū? SIMON.

Quid uero hæc ad catabaptistas? IOIADA.

Plurimum, quum catabaptistas tumultuum autho-
res esse ostendant. SIMON. Quid hoc?

IOIADA. Quod hi contra morem apostolo-
rum dissidia & contentiones in ecclesijs faciunt, dum
taxat propter externa quædam. SIMON. Sed
& de deo et fide multa docent: quæ sunt ergo illa ex-
terna propter quæ ecclesiā dicuntur scindere?

IOIADA. Si nihil aliud prædicarent quam
de deo, de fide, & charitate ac innocentia, nihil opus
esset ista separatione. Nam hæc in nostris quoq; eccle-
sijs docentur, ut nihil necesse sit illos prædicare. Sed in
hoc separant, quod docent supra prædicta, opus esse
novo quodam baptismo, Christianum nō esse qui cen-
sus aut redditus accipiat, Christianos à decimis liberos
esse, Christianum non posse gerere magistratum, Ne-

minem

minem posse nec debere præstare iusfirandum. Diuitias adimunt Christianis. An non hæc quæ recensui externa quædam sunt? An non rursus propter hæc eadem ecclesiæ scindunt & turbant? Non potes ergo inficiari catabaptistas eos esse, qui propter res exteriores ecclesiæ turbant & scindunt. Præter hæc suos ad hoc adstringunt, ne apud eos uerbum dei audiant, apud quos parvulorum baptismus, census, decimæ, iusfirandum, magistratus, diuinitæ bona censemur. Iam in memoriam reuoca quæ supra ex Christo & apostolis testimonia citauimus, & expende, an eorum separatio apostolica sit an seditiosa. SIMON. Nihil refert quod tumultuosos illos appellatis, hoc Christo et apostolis quoq; contigit ut seditionis & tumultus insimularentur. In hoc uero laudant deum, & gratias agunt quod digni habiti sint pro nomine Iesu ut patiantur. Nimirum memores illius quod Christus dixit: Beati estis quum uos maledixerint homines, & dixerint omne malum aduersus uos, gaudete & exultate quoniam merces uestra copiosa est in coelis. IOIADA.

Cur uero tu omittis quod Christus, dum hæc dicere, adiunxit? SIMON. Quid omisi? IOIADA. Mentientes (inquit) propter me. Quod catabaptistas tumultuosos dicimus, non propter Christum fit. Non enim in hoc tumultuosi dicuntur quod Christum confitentur, sed quod ecclesiæ Christi optime